

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**Broj:** 01/1-20-Z/18

**Kakanj,** 31.05.2018. godine

**Z A P I S N I K**

**sa 20. redovne sjednice Općinskog vijeća održane 31.05.2018. godine (četvrtak) u velikoj sali za sastanke Općinskog vijeća sa početkom u 9:00 sati (sažetak zapisnika)**

Nakon intoniranja himne Bosne i Hercegovine, 20. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić, Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Adnan Ibrahimspahić, Amar Selimović i Safet Šahman **(SDA)**

Semir Mušija, Rizah Haračić, Mirnes Merdić i Mugdin Gorak **(SBB BiH)**

Mirsad Tursum, Fahrudin Buza, Adisa Škulj, Zerina Kovač i Rešad Merdić **(S BiH)**

Enes Piljug, Eldin Mijoč i Ahmed Begić (naknadno pristupio) **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić (naknadno pristupio) **(A-SDA)**

Mujo Fafulić **(nacionalne manjine)**

**Odsutni vijećnici:** Jasmin Mušanović **(SBB BiH)**

Haris Veispahić je ranije podnio ostavku na mjesto vijećnika.

Predsjedavajući je konstatirao da je na sjednici u momentu prijave prisutno 26 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

**Nermin Mandra**, općinski načelnik

**Ferdo Mijač**, sekretar Općinskog vijeća

**Enver Kusić**, sekretar organa uprave

**Mirza Fazlić**, pomoćnik općinskog načelnika za privredu, urbanizam i zaštitu okoline

**Džihad Berbić**, pomoćnik općinskog načelnika za finansije

**Rešad Zaimović**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Nurčo Kurtović**, pomoćnik općinskog načelnika za imovinskopravne, geodetske poslove i katastar nekretnina

**Nurudin Hrusto**, pomoćnik općinskog načelnika za civilnu zaštitu

**Bahrudin Arnaut**, pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

**Zijad Neimarlija**, direktor Zavoda za planiranje i izgradnju općine Kakanj

### **Izvjestioci, obrađivači, gosti**

Helmina Murtić, direktorica JU „Mladost“ Kakanj  
Mirsada Čaluk, predsjednica UO JU „Mladost“ Kakanj  
Selma Osmanagić-Agović, predstavnik UNDP-a

### **Predstavnici medija:**

NTV IC Kakanj

Radio Kakanj

„Kakanjske novine“

„Naša riječ“

„Kakanjlive“

„Kakanj-x“

„Kaportal“

„Klix portal“

Kratka saopćenja o radu sjednice i prethodnim pitanjima:

Kolegij Općinskog vijeća je 31.05.2018. godine, održao 20. sjednicu na kojoj je razmatrao:

a) Zahtjev za produženje odluke o dodjeli prostorija KUD „Dikan“ na višegodišnje potrebe Kolegij Općinskog vijeća podržava zahtjev KUD „Fadil Dogdibegović – Dikan“ te traži od JU Kulturno-sportski centar Kakanj da napravi prijedlog odluke za sjednicu Općinskog vijeća kako bi se udovoljilo zahtjevu ovog društva.

b) Zahtjev za postavljanje rasvjete u MZ Termoelektrana – naselje Banjevac Kolegij Općinskog vijeća zahtjev MZ Termoelektrana br 20/2018 od 16/05/2018 godine a u vezi postavljanja rasvjete u naselju Banjevac prosljeđuje Zavodu za planiranje i izgradnju općine Kakanj na dalje razmatranje i postupanje.

### **Usvajanje zapisnika sa 19. sjednice Općinskog vijeća**

Predsjedavajući je zapisnik sa 19. sjednice Općinskog vijeća stavio na razmatranje i pošto nije bilo prijavljenih za raspravu, zapisnik je usvojen sa 26 glasova za, bez glasova protiv i uzdržanih.

### **Komentari na dostavljena mišljenja na vijećnička pitanja:**

**Rizah Haračić:** je rekao da je dobio odgovor na vijećničko pitanje u vezi direktnog prijenosa sjednica Općinskog vijeća te dodao da bi u cilju boljeg informisanja javnosti i smanjenja negativnih komentara na društvenim mrežama, trebalo planirati sredstva za ovu namjenu.

**Nusret Muslić:** je rekao da je nezadovoljan što nije dobio odgovor iz Saveza boračkih udruženja te dodao da će ponoviti isto.

### **Komentari na dostavljena mišljenja na vijećničke inicijative:**

**Enes Piljug:** je rekao da bi trebalo smanjiti cijene građevinskih dozvola jer je tražio to na prethodnoj sjednici a u odgovoru stoji da općina Kakanj mala sredstva naplaćuje za te usluge te da iste ne može smanjiti, a što se tiče zamjene vodovodnih cijevi u mjestu Crnač tražio je da se Vijeće o istoj izjasni.

**Mirza Fazlić(odgovor):** je rekao da je Zakonom o uređenju građevinskog zemljišta navedeno kako se računa renta za građevinsko zemljište i dodao da se ne može tek tsko odlučivati iznos istih kada zakon nalaže drugačije. Također je rekao da su ukinute prve dvije zone sa ciljem smanjenja troškova za građane.

**Slaven Katičić:** je rekao da se o vijećničkim inicijativama Vijeće izjašnjava o dobijenom odgovoru na istu i sugerisao vijećnicima da se pridržavaju Poslovnika o radu Općinskog vijeća.

**Safet Šahman:** je rekao da od Ministarstva vodoprivrede i šumarstva nije dobio odgovor na inicijativu u vezi čišćenja rijeke Ribnice te tražio od nadležne Službe da uputi dopis navedenom Ministarstvu.

**Rizah Haračić:** je u vezi inicijative za izgradnju vazdušne banje na Ponijerima rekao da je zadovoljan odgovorom jer je ista uzeta u razmatranje a što se tiče odgovora na podnesenu inicijativu za izgradnju javnog WC-a na lokalitetu Crna rijeka istim nije zadovoljan jer je navedeno da taj lokalitet nije autobuska stanica da bi se pristupilo izgradnji WC-a. Također je

predložio izmjenu regulacionog plana kako bi se pristupilo izgradnji navedenog objekta.

**Nusret Muslić:** je rekao da je na prošloj sjednici Općinskog vijeća podnio dvije vijećničke inicijative, sanacija pločnika kod Solitera 3 i iznalaženje prostora za rad udruženja „Mali ljudi velikog srca“ te je tražio da mu se dostave odgovori na iste.

#### **Vijećnička pitanja:**

**Semir Mušija:** je postavio vijećničko pitanje u vezi smanjenja širenja broja sportskih kladionica i ostalih igara na sreću na području općine Kakanj.

**Edin Aliefendić:** je postavio vijećničko pitanje o vremenu završetka istrage i podizanja optužnice za stradanje civila u mjestu Poljani.

**Adisa Škulj:** je postavila vijećničko pitanje u vezi uređenja lijeve obale rijeke Bosne od mosta „Mladih“ prema naselju Doboju.

**Enes Piljug:** je postavio dva vijećnička pitanja, u vezi realizacije projekta rasvjete u Donjem Banjevcu i o nastavku radova na putu do OŠ u Dubovom Brdu.

**Safet Šahman:** je postavio vijećničko pitanje u vezi sanacije kritičnih tačaka na relaciji Kamnolom-Podborje.

**Rizah Haračić:** je postavio dva vijećnička pitanja, ko prati realizaciju sanacije puteva na terenu i ko treba reagovati na imovinskopravne probleme nastale na terenu i upitao je direktora OŠ „Omer Mušić“ u Brežanima odakle potiče informacija o ispravnosti vode u toj školi obzirom da je ista neispravna za piće.

**Amar Selimović:** je postavio dva vijećnička pitanje, u vezi nastavka izgradnje vodovoda u mjestu Lučani i u vezi sanacije prelaza preko željezničke pruge u mjestu Bilješevo.

#### **Vijećničke inicijative:**

**Općinski načelnik:** je podnio vijećničku inicijativu o pokretanju postupka i donošenju Odluke o reorganizaciji mjesnih zajednica Općine Kakanj.

Usljedila je pauza u radu Vijeća u trajanju od 5'.

Nakon pauze predsjedavajući je stavio na glasanje predloženu inicijativu i Vijeće je istu usvojilo sa 24 glasa za, bez glasova protiv i uzdržanih.

**Safet Šahman:** je podnio dva vijećnička pitanja, u vezi izgradnje objekta za plućne bolesnike na lokalitetu „Lastavica“ i da se održi sastanak sa ŠPD Kakanj u vezi redovnog održavanja drvenih mostova i zabrane saobraćaja za kamione u MZ Krševac.

**Enes Piljug:** je podnio dvije vijećničke inicijative, da se izvrši zamjena vodovodnih cijevi u mjestu Crnač i da se sanira putna komunikacija koju koriste mještani Čizmića, Kalfića i Crnača.

**Semir Mušija:** je podnio dvije vijećničke inicijative, da se postave usporivači brzine u ulici Željeznička i da se održi sastanak nadležnih ustanova na temu „Prava i mogućnosti ostvarivanja prava na zdravstveno osiguranje“.

**Rizah Haračić:** je podnio dvije vijećničke inicijative, da se provjere imovinsko-pravni odnosi na cijeloj dionici puteva koji se rekonstruišu sredstvima Općine Kakanj i da se izmjeni regulacioni plan na lokalitetu Crna rijeka zbog izgradnje javnog WC-a.

**Adisa Škulj:** je podnijela vijećničku inicijativu da se u zakonske okvire uvede rad Šumsko Privrednog Društva-šumarija Kakanj i spriječi uništavanje infrastrukture u ruralnim područjima općine Kakanj.

**Zerina Kovač:** je podnijela vijećničku inicijativu da se u naselju Doboj, tačnije u ulici Selima ef. Merdanovića uklone usporivači brzine i da se postavi odgovarajuća oprema za mjerenje brzine.

**Nusret Muslić:** je podnio dvije vijećničke inicijative, da se most u na ulazu u Doboj nazove po poginulom borcu-šehidu dobitniku „Zlatnog ljiljana“ Kulović Senahidu-Kuli i da se postave veći jarboli sa državnim zastavama na području Općine Kakanj do 25. novembra, Dana državnosti BiH i tražio je izjašnjavanje Vijeća o drugoj inicijativi.

**Općinski načelnik (odgovor):** je rekao da je predložena inicijativa usvojena i da se pristupilo projektovanju postavljanja navedenih jarbola i da će se izvršiti postavljanje većeg jarbola od današnjeg a ukoliko budu trebale veće dimenzije jarbola onda se Vijeće može izjasniti o tome.

**Nusret Muslić:** je rekao da predložena inicijativa se odnosi na rok za postavljanje jarbola i dimenzijama istog te da se Vijeće treba izjasniti o tome.

Predsjedavajući je pročitao odredbe Poslovnika o radu Općinskog vijeća kada se radi o podnošenju vijećničkih inicijativa i izjašnjavanju o istim te sugerisao vijećnicima da se pridržavaju istih.

**Rešad Merdić (replika):** je rekao da bi trebalo sačakti izjašnjavanje nadležnih ustanova i Zavoda za planiranje i izgradnju o mogućnosti projektovanja postavljanja jarbola i tek onda da se Vijeće izjašnjava.

**Rešad Merdić:** je podnio vijećničku inicijativu da Policijska stanica Kakanj dostavi informaciju o broju izdatih prekršajnih naloga za saobraćajne prekršaje u gradskom i prigradskom području i za narušavanje javnog reda i mira u mjesecu maju.

**Amar Selimović:** je podnio vijećničku inicijativu da se izgradi trotoar od kraja podvožnjaka do autobusnog stajališta iz pravca Bilješeva prema Kakanju, na regionalnom putu R445, u mjestu Bajrak-Modrinje.

**Slaven Katičić:** je podnio vijećničku inicijativu da se pokrene postupak raskida ugovora za izvođača radova na putu u MZ Seoce zbog neispunjavanja obaveza po ugovoru.

### **Utvrđivanje dnevnog reda**

**Predsjedavajući:** je predložio dnevni red po pozivu za sjednicu te dodao da predlaže da se dnevni red uvrste i materijali koji su u međuvremenu pristigli: Informacija o Eurogroup d.o.o. Kakanj, prijedlog odluke o dodjeli poslovnog prostora KUD Dikan na privremeno korištenje i prijedlog rješenja za konačno imenovanje člana UO JU Dom zdravlja Kakanj. Također, predsjedavajući je rekao da je pristigao i Nacrt revidirane „Strategije razvoja općine Kakanj 2007-2020“ sa Akcionim planom za period 2018-2020. Predsjedavajući je otvorio raspravu o dnevnom redu.

**Enver Kusić:** je predložio da se u današnji dnevni red uvrsti i Nacrt revidirane „Strategije razvoja općine Kakanj 2007-2020“ sa Akcionim planom za period 2018-2020 te obrazložio da se vijećnici sa svojim sugestijama mogu uključiti u raspravu po predloženom materijalu.

**Eldin Mijoč:** je izrazio nezadovoljstvo što se ovako obimni materijali dostavljaju na samoj sjednici i rekao da SDP neće podržati nikakvo proširenje dnevnog reda.

**Općinski načelnik:** je rekao da je nezadovoljstvo opravdano ali da se radi o strateški veoma važnom dokumentu te da bi vijećnici trebali imati razmišljanja za ovako važne akte.

**Nusret Muslić:** se složio sa diskusijom vijećnika Mijoča i dodao da je ovo očit primjer dvostrukih aršina prilikom primjene Poslovnika.

**Slaven Katičić:** je vijećniku Musliću odgovorio da ova diskusija nije korektna jer on nije predložio da se u dnevni red uvrštava Nacrt.

**Ivica Petrović:** je rekao da predsjedavajući predlaže Vijeću a Vijeće se izjašnjava o prijedlogu.

Predsjedavajući je prijedlog dnevnog reda proširenog sa Informacijom o Eurogroup d.o.o. Kakanj, prijedlogom odluke o dodjeli poslovnog prostora KUD Dikan na privremeno korištenje i prijedlogom rješenja za konačno imenovanje člana UO JU Dom zdravlja Kakanj stavio na glasanje i nakon glasanja konstatirao da je isti usvojen sa 23 glasa za, 5 glasova protiv i niko uzdržan.

Predsjedavajući je i prijedlog da se Nacrt revidirane Strategije uvrsti u dnevni red stavio na glasanje i nakon glasanja konstatirao da je isti usvojen sa 23 glasa za, 5 glasova protiv i niko uzdržan.

### **Usvojeni dnevni red:**

1. Prijedlog odluke o načinu odabira projekata nevladinih/neprofitnih organizacija po LOD metodologiji
2. Izmjene i dopune Budžeta Općine Kakanj za 2018.godinu
3. Izvještaj o izvršenju Budžeta Općine Kakanj za period 01.01-31.03.2018.godine
4. Prijedlog odluke o davanju na korištenje stambenih jedinica izgrađenih na osnovu projekta „Stambeno zbrinjavanje Roma 2016-2017 u općini Kakanj
5. Prijedlog odluke o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa
6. Prijedlog odluke o davanju saglasnosti na konačno imenovanje direktora JU za predškolski odgoj i obrazovanje „Mladost“ Kakanj
7. Izvještaj o radu Konkursne komisije za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj sa prijedlogom zaključka o utvrđivanju visine naknade za rad članova Komisije
8. Prijedlog rješenja o imenovanju članova Komisije Općinskog vijeća za utvrđivanje naziva novih ulica općine Kakanj
9. Informacija u vezi „Eurogroup“ d.o.o Kakanj
10. Prijedlog odluke o dodjeli poslovnog prostora KUD Dikan na privremeno korištenje
11. Nacrt revidirane „Strategije razvoja općine Kakanj 2007-2020“ sa Akcionim planom za period 2018-2020
12. Prijedlog rješenja o konačnom imenovanju člana UO JU Dom zdravlja Kakanj

### **Tačka 1.**

#### **Prijedlog odluke o načinu odabira projekata nevladinih/neprofitnih organizacija po LOD metodologiji**

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izvjestilac: Rešad Zaimović, pomoćnik općinskog načelnika

Stav i mišljenje: Komisija za mlade, Komisija za ljudska prava i ravnopravnost spolova, Komisija za ekologiju

U diskusiji je učestvovao Eldin Mijoč

**Eldin Mijoč:** je pohvalio sadržaj predložene odluke, te predložio korekcije pojedinih članova iste, radi buduće lakše primjene. Korekcije se odnose na član 1. odluke i to da li će se budući projekti finansirati ili sufinansirati iz Budžeta, zatim član 5. stav 2. odluke gdje se koristi termin „podobnost“, pa je predložio da se isti zamjeni odgovarajućim terminom ili da se u tekstu

definiše o kojoj vrsti podobnosti je riječ, te u članu 9. odluke da se strani pojmovi zamjene riječima na bosanskom jeziku, odnosno da se izbjegnu apsolutni prevodi sa stranih jezika.

**Rešad Zaimović:** se izjasnio na predložene korekcije vijećnika Mioča i rekao da u članu 1. odluke treba da stoji sufinansiranje, u članu 5. izjava o podobnosti se mijenja i treba da stoji izjava o ispunjavanju općih uslova iz člana 2. odluke.

Vijeće je uz predložene korekcije usvojilo prijedlog odluke o načinu odabira projekata nevladinih/neprofitnih organizacija po LOD metodologiji (po amandmanima vijećnika Mijoča) sa 22 glasa za, 1 protiv i 1 uzdržan.

## **Tačka 2.**

### **Izmjene i dopune Budžeta Općine Kakanj za 2018.godinu**

Predlagač: Općinski načelnik  
Obradivač: Služba za financije  
Stavovi i mišljenja: Komisija za budžet i finansije  
Izjestilac: Džihad Berbić, pomoćnik općinskog načelnika

Obzirom da nije bilo prijavljenih diskutanata Vijeće je sa 21 glasom za, 5 glasova protiv i niko uzdržan usvojilo Izmjene i dopune Budžeta Općine Kakanj za 2018. godinu.

## **Tačka 3.**

### **Izveštaj o izvršenju Budžeta Općine Kakanj za period 01.01-31.03.2018.godine**

Predlagač: Općinski načelnik  
Obradivač: Služba za financije  
Stavovi i mišljenja: Komisija za budžet i finansije  
Izjestilac: Džihad Berbić, pomoćnik općinskog načelnika

Kako nije bilo prijavljenih disutanata Vijeće je sa 21 glasom za, 4 protiv i niko uzdržan usvojilo Izveštaj o izvršenju Budžeta Općine Kakanj za period 01.01-31.03.2018. godine.

## **Tačka 4.**

### **Prijedlog odluke o davanju na korištenje stambenih jedinica izgrađenih na osnovu projekta „Stambeno zbrinjavanje Roma 2016-2017 u općini Kakanj“**

Predlagač: Općinski načelnik  
Obradivač: Komisija za realizaciju projekta “Program rješavanja stambenog problema Roma na teritoriji općine Kakanj”  
Stavovi i mišljenja: Komisija za ljudska prava i ravnopravnost spolova  
Izjestilac: Međid Bajrić, predsjednik Komisije

U diskusiji su učestvovali Mujo Fafulić, Edin Aliefendić i Rizah Haračić.

**Mujo Fafulić:** se zahvalio na podršci koju su Vijeće i načelnik sa svojim službama iskazali realizacijom ovog projekta. Istaknuo je da je Općina Kakanj jedan od boljih primjera brige i integracije Roma u savremeno društvo te izrazio nadu da će se i ubuduće, osim u stambeno zbrinjavanje, naponi uložiti i u bolju zdravstvenu zaštitu, obrazovanje i zapošljavanje Roma.

**Edin Aliefendić:** se složio sa diskusijom vijećnika Fafulića i istaknuo problematiku plaćanja komunalnih usluga, obzirom da je JP u nepovoljnom položaju kad su u pitanju ovi korisnici jer objektivno ne mogu plaćati ove usluge. Pozvao je nadležne službe da iznađu mogućnost rješavanja ovog problema.

**Rizah Haračić:** je podržao prijedlog i dodao da se projekt „Stambeno zbrinjavanje Roma“ treba proširiti i na MZ Povezice i Bičer.

Nakon diskusije Vijeće je sa 24 glasa za, niko protiv i uzdržan usvojilo Odluku o davanju na korištenje stambenih jedinica izrađenih na osnovu projekta „Stambeno zbrinjavanje Roma 2016-2017 u općini Kakanj“.

#### **Tačka 5.**

#### **Prijedlog odluke o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa**

Predlagač: Općinski načelnik

Obradivač: Služba za opću upravu, radne i zajedničke poslove, lokalnu samoupravu i mjesne zajednice

Stavovi i mišljenja: Komisija za mlade

Izvjestilac: Bahrudin Arnaut, pomoćnik općinskog načelnika – po ovlaštenju

U diskusiji su učestvovali: Semir Mušija, Izudin Hrusto, Slaven Katičić i Rizah Haračić.

**Semir Mušija:** je upitao kolika su ukupna sredstva za implementaciju ovog programa i da li je moguće da se ove godine poziv uputi samo za pripravnike, bez lica stručnom osposobljavanju bez zasnivanja radnog odnosa. Također, predložio je da se u članu 4., vezano za isplatu naknade pripravniku/volonteru poštuju odredbe Zakona o radu, tj da pripravnici zaključe udovor o radu te primaju 70% plaće predviđene za to radno mjesto, a s druge strane volonteri da primaju bruto iznos od 300KM. Ukoliko bi se usvojio ovaj prijedlog, onda bi se u članu 6.tačka f) trebala brisati. Predložio je da se postojeća Odluka o prijemu volontera stavi van snage.

**Općinski načelnik:** je rekao da dosadašnja rješenja nisu bila baš najsretnija i da su u zadnje vrijeme bila kritizirana. S tim u vezi, odlučeno je da se ovaj put poticaji daju poslodavcima, konkretno – onaj poslodavac koji primi pripravnika ima pravo na poticaj od 500KM, a jedini zahtjev je da se pripravniku minimalno mora isplatiti u neto iznosu 400KM. Dodao je da to u prijedlogu odluke eksplicitno treba da stoji.

**Izudin Hrusto:** je izrazio zahvalnost što je Općina Kakanj prihvatila sugestije dosadašnjih volontera i što će na ovaj način buduća lica na stručnom osposobljavanju imati bolje uslove rada. Pozvao je poslodavce da se prijave u što većem broju kao i da se prilikom sklapanja ugovora ne drže slijepo minimalnog iznosa za pripravnike/lica na stručnom osposobljavanju. Predložio je pauzu od 1h radi mirne šetnje gradom i obilježavanja 31.05. – Dana bijelih traka.

**Slaven Katičić:** je pozdravio prijedlog i rekao da je ovaj način, kojim se poslodavcima daje mogućnost da zahtijevaju onaj kadar koji mu i treba, znatno bolji. Predložio je da se iznađe način da se dodatno stimuliraju oni poslodavci koji zadrže u stalnom radnom odnosu pripravnike. Dodao je da je ova diskusija išla u smjeru sugestije a ne konkretnog amandmana.

**Bahrudin Arnaut:** je rekao da je za ovu namjenu planirano 157.000KM, a da se planirana sredstva i sa dva poziva ove godine nisu utrošila. S tim u vezi, obzirom da se ne može predvidjeti da li će se poslodavci prijaviti na poziv, bolje je da ostane i prvobitna Odluka na snazi. Složio se da se u članu 4. treba precizirati plaća/naknada s tim da se poslodavac može opredijeliti da pripravniku/volonteru isplaćuje i više od subvencije.

**Rizah Haračić:** je predložio da se posebnim članom definiira da, ukoliko se ne javi dovoljan broj poslodavaca, na snazi ostane prethodna odluka, kako ne bi bile obje na snazi u isto vrijeme.

**Bahrudin Arnaut:** je rekao da Općinski načelnik upućuje javni poziv za poslodavce te da, ukoliko ne bude dovoljno zainteresiranih poslodavaca, postupak će se provesti po ranijoj Odluci.

Nakon diskusije Vijeće je sa 23 glasa za, 1 protiv i niko uzdržan usvojilo, uz izmjenu koju je predložio općinski načelnik, Odluku o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog odnosa.

Usljedila je pauza od 1h.

### **Tačka 6.**

#### **Prijedlog odluke o davanju saglasnosti na konačno imenovanje direktora JU za predškolski odgoj i obrazovanje „Mladost“ Kakanj**

Predlagač: UO JU za predškolski odgoj i obrazovanje „Mladost“ Kakanj

Obrađivač: Stručna služba za poslove Općinskog vijeća

Izjavitelj: Mirsada Čaluk, predsjednica UO JU

Usljedila je pauza od 5' na zahtjev kluba vijećnika HDZ BiH.

Nakon pauze Vijeće je dalo saglasnost na konačno imenovanje Helmine Murtić za direktoricu JU za predškolski odgoj i obrazovanje „Mladost“ Kakanj sa 21 glasom za, bez glasova protiv i uzdržanih.

### **Tačka 7.**

#### **Izveštaj o radu Konkursne komisije za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj sa prijedlogom zaključka o utvrđivanju visine naknade za rad članova Komisije**

Predlagač: Konkursna komisija za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj

Obrađivač: Konkursna komisija za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj

Izjavitelj: Esmir Čobo, predsjednik Komisije

Obzirom da nije bilo prijavljenih za diskusiju Vijeće je sa 20 glasova za, bez glasova protiv i uzdržanih usvojilo Izveštaj o radu Konkursne komisije za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj sa Zaključkom o utvrđivanju visine naknade članovima Komisije.

### **Tačka 8.**

#### **Prijedlog rješenja o imenovanju članova Komisije Općinskog vijeća za utvrđivanje naziva novih ulica općine Kakanj**

Predlagač: Komisija za izbor i imenovanje

Izjavitelj: Edin Aliefendić, predsjednik Komisije

Vijeće je usvajanjem Rješenja imenovalo Komisiju u sastavu: Adnan Ibrahimspahić, Kasim Ganić, Adi Kubat, Lejla Kubat, Dženana Škorić, Ivica Petrović, Mubera Kubat, Ilhana Alajbegović. Rješenje je usvojeno sa 21 glasom za, bez glasova protiv i uzdržanih.

### **Tačka 9.**

#### **Informacija o „Eurogroup“ d.o.o. Kakanj**

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji je učestvovao Semir Mušija.

**Semir Mušija:** je predložio da se izađe u susret „Eurogroup“ d.o.o. Kakanj, odnosno da se produže rokovi predviđeni ugovorom za ispunjenje ugovornih obaveza imenovanog, na način kako je to učinjeno u ranijem periodu sa još jednim privrednim subjektom, te pozvao predlagača da formuliše prijedlog zaključka.

**Mirza Fazlić:** je predložio zaključak: Prima se k znanju Informacija Službe za privredu, urbanizam i zaštitu okoline, broj: 04/1-994/18 od 25.05.2018. godine, po predmetu „EURO-



GROUP“ d.o.o. Kakanj, daje se saglasnost za produženje rokova definisanih ugovorom, broj: 0-02/1-2168/13 od 21.06.2013. godine, rokovi iz članova 3. i 6. Ugovora produžuju se do 31.12.2018. godine, ovlašćuje se Općinski načelnik da potpiše Aneks ugovora shodno ovom Zaključku, tužba protiv privrednog društva „EURO-GROUP“ d.o.o. Kakanj se povlači, Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

Vijeće je primilo k znanju Informaciju o „Eurogroup“ d.o.o. Kakanj, uz predloženi zaključak sa 22 glasa za, bez glasova protiv i uzdržanih.

#### **Tačka 10.**

#### **Prijedlog odluke o dodjeli poslovnog prostora KUD „Fadil Dogdibegović – Dikan“ na privremeno korištenje**

Predlagač: JU KSC Kakanj  
Obrađivač: Stručna služba za poslove Općinskog vijeća  
Izjavitelj: Aldin Šljivo, direktor JU KSC

U diskusiji je učestvovao Ahmed Begić.

**Ahmed Begić:** je rekao da je zamoljen od strane Uprave KUD „Fadil Dogdibegović – Dikan“, da Vijeću prezentuje kako je vrijeme korištenja poslovnog prostora po predloženoj odluci njima nedovoljno, pa predlažu ukoliko ima mogućnosti da im se omogući korištenje istog prostora u dužem trajanju, obzirom da imaju više sekcija, pa im terminiranje vježbi predstavlja problem.

**Općinski načelnik:** je rekao da smatra da Vijeće predmetnom raspravom izlazi iz okvira svojih nadležnosti i da je rasprava po ovom pitanju nadležnost UO JU KSC, te je predložio da Vijeće usvoji zaključak kojim se zadužuje JU KSC da sa KUD „Dikan“ izdefiniše vrijeme i termine korištenja poslovnog prostora u skladu sa potrebama Udruženja.

Nakon diskusije Vijeće nije usvojilo prijedlog odluke sa 10 glasova protiv, 12 uzdržanih i bez glasova za.

Vijeće je usvojilo zaključak kojim se sugerira UO JU KSC da sa KUD „Dikan“ izdefiniše nove uslove ugovora sa 22 glasa za, bez glasova uzdržanih i protiv.

#### **Tačka 11.**

#### **Nacrt revidirane „Strategije razvoja općine Kakanj 2007-2020“ sa Akcionim planom za period 2018-2020. godina**

Predlagač: Općinski načelnik  
Obrađivač: Komisije za izradu nacrta revidirane „Strategije razvoja općine Kakanj 2007-2020“ sa novima Akcionim planom za period 2018-2020.  
Izjavitelj: Enver Kusić

Obzirom da nije bilo prijavljenih disutanata Vijeće je sa 19 glasova za, bez glasova protiv i 3 uzdržana usvojilo zaključak o utvrđivanju nacrta sa rokom javne rasprave od 20 dana i obrađivačem kao nosiocem aktivnosti.

#### **Tačka 12.**

#### **Prijedlog rješenja o konačnom imenovanju člana UO JU Dom zdravlja Kakanj**

Izjavitelj: Edin Aliefendić, predsjednik Komisije za izbor i imenovanje

U diskusiji je učestvovao: Rizah Haračić.

**Rizah Haračić:** je predložio da se predmetna tačka povuče iz dnevnog reda, iz razloga što nije održana sjednica Komisije, a prema informacijama kojim raspolaže u konkretnom slučaju je

poremećena konkursna procedura i uložena je žalba na istu, te stoga ne podržava predloženog kandidata.

**Edin Aliefendić:** je rekao da je Komisija po ovom pitanju obavila usmene konsultacije i da je konstatovano da je prijedlog kandidata dostavljen od strane nadležnog Ministarstva u kojem se kaže da je provedena konkursna procedura od strane istog i dostavljen je prijedlog za imenovanje navedenog kandidata, pa u skladu s tim Komisija nije bila u mogućnosti ništa mijenjati.

Nakon diskusije Vijeće je sa 19 glasova za, 3 protiv i niko uzdržan usvojilo Rješenje o konačnom imenovanju člana UO JU Dom zdravlja Kakanj.

Sjednica se završila u 14:00 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR  
OPĆINSKOG VIJEĆA**  
Ferdo Mijač

**PREDSJEDAVAJUĆI  
OPĆINSKOG VIJEĆA**  
Slaven Katičić